



# SLUŽBENI GLASNIK OPĆINE ŽIVINICE

GODINA LV

16. APRIL 2019. GODINE

BROJ 8

Na osnovu člana 2. Zakona o ministarskim, vladinim i drugim imenovanjima ("Sl.novine F BiH" broj 12/03 i 34/03), člana 1.,4. i 7. Zakona o izmjenama i dopunama Zakona o ministarskim, vladinim i drugim imenovanjima ("Sl.novine F BiH", broj 65/13), a u skladu sa odredbama Odluke o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Živinice i na osnovu člana 24. Statuta Općine Živinice-prečišćeni tekst (Službeni glasnik Općine Živinice ", broj 4/18) Općinsko vijeće Živinice na sjednici održanoj dana 26.03.2019.godine donosi

## O D L U K U

o razrješenju predsjednika i člana privremene Skupštine  
JP "Horizontala" Živinice

### I

Donosi se Odluka o razrješenju predsjednika i člana privremene Skupštine JP "Horizontala" Živinice:

1. Sabahudin Hodžić, predsjednik
2. Amra Duraković, član

### II

Odluka o razrješenju stupa na snagu danom donošenja i objaviti će se u Službenom glasniku Općine Živinice.

PREDSJEDAVAJUĆI  
Općinskog vijeća Živinice

Nail Jusić, s.r.

Bosna i Hercegovina  
Federacija Bosne i Hercegovine  
Tuzlanski Kanton  
Općina Živinice  
Općinsko vijeće Živinice  
broj:06-05-1800-11/2019  
dana:26.03.2019.godine

Na osnovu člana 2. Zakona o ministarskim, vladinim i drugim imenovanjima ("Sl.novine F BiH" broj 12/03 i 34/03), člana 1.,4. i 7. Zakona o izmjenama i dopunama Zakona o ministarskim, vladinim i drugim imenovanjima ("Sl.novine F BiH", broj 65/13), a u skladu sa odredbama Odluke o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Živinice i na osnovu člana 24. Statuta Općine Živinice-prečišćeni tekst (Službeni glasnik Općine Živinice ", broj 4/18) Općinsko vijeće Živinice na sjednici održanoj dana 26.03.2019.godine donosi

## O D L U K U

o imenovanju predsjednika i člana privremene Skupštine  
JP "Horizontala" Živinice

### I

Donosi se Odluka o imenovanju predsjednika i člana privremene Skupštine JP "Horizontala" Živinice:

1. Podgorčević Muamer, predsjednik
2. Džinić Jasmin, član

### II

Mandat predsjednika i člana privremene Skupštine traje do isteka mandata privremene Skupštine JP "Horizontala" Živinice.

### III

Odluka o imenovanju stupa na snagu danom donošenja i objaviti će se u Službenom glasniku Općine Živinice.

PREDSJEDAVAJUĆI  
Općinskog vijeća Živinice

Nail Jusić, s.r.

Bosna i Hercegovina  
Federacija Bosne i Hercegovine  
Tuzlanski Kanton  
Općina Živinice  
Općinsko vijeće Živinice  
broj:06-05-1800-12/2019  
dana:26.03.2019.godine

Bosna i Hercegovina  
Federacija Bosne i Hercegovine  
Tuzlanski kanton  
**Općina Živinice**  
**Općinsko vijeće**  
Broj:06-05-1019/2019  
Živinice, 26.02.2019. godine

Na osnovu člana 61. Zakona o građevinskom zemljištu Federacije BiH ("Službene novine Federacije BiH", br. 67/05), člana 24. Statuta Općine Živinice - prečišćeni tekst ("Službeni glasnik Općine Živinice", br. 4/12), rješavajući po zahtjevu Čaušević (Himzo) Izeta iz Bašigovaca, općina Živinice, u predmetu utvrđivanja prava vlasništva na zemljištu na kojem je izgrađena zgrada bez prava korištenja radi građenja, Općinsko vijeće Živinice, na prijedlog Općinskog načelnika, na sjednici održanoj dana 26.02.2019. godine, donosi:

## R J E Š E N J E

**I - Utvrđuje se pravo vlasništva** na zemljištu u korist Čaušević (Himzo) Izeta iz Bašigovaca, općina Živinice, kao graditelja objekta na parceli označenoj kao:

- k.č.br. 295/103, (novi premjer) naziv parcele "Bašigovački lug", način korištenja šuma 3. klase u površini od 450 m<sup>2</sup> upisana u posjedovni list broj 877. K.O. Bašigovci na posjednika Općina/Opština Živinice sa dijelom 1/1, a kojoj po starom premjeru odgovara parcela označena kao k.č.br. 72/110 oznaka nekretnine "Bašigovački lug", šuma 3. klase, površine 450 m<sup>2</sup> upisana u zk.ul.br. 814. K.O. Bašigovci, u "B" vlasničkom listu upisana na Općinu Živinice sa dijelom 1/1.

**II – Čaušević (Himzo) Izet dužan je platiti sljedeće naknade:**

1. naknada za zemljište označeno u tački I. ovog rješenja u iznosu od 13,10 KM za 1 m<sup>2</sup> što za ukupnu površinu od 450 m<sup>2</sup> iznosi 5.895,00 KM (slovima: pethiljadaosamstotinadevedesetpet KM),
2. naknada na ime rente u visini od 5,30 KM za 1m<sup>2</sup> što za površinu objekta dimenzija 11,4x9,35 spratnosti; prizemlje +1, u ukupnoj površini od 213,18 m<sup>2</sup> iznosi 1.129,85 KM (slovima: jednuhiljadujednostotinudvadesetdevet KM + 85/100 pfeninga),
3. naknadu na ime pretvorbe zemljišta iz šumskog u građevinsko u iznosu od 2,20 KM za 1 m<sup>2</sup> što za ukupnu površinu od 450 m<sup>2</sup> iznosi 990,00 KM (slovima: devetstotinadevedeset KM).

**III - Naknade iz tačke II. dispozitiva ovog rješenja Čaušević Himzo dužan je uplatiti u roku od 30 dana od dana pravosnažnosti rješenja na žiro-račun Fonda za nacionalizovano zemljište Općine Živinice br. 140 40 30 310000 630 otvoren kod SBERBANKE, filijala Živinice.**

**IV - Nakon pravosnažnosti rješenja i dokaza o plaćanju naknada iz tačke II dispozitiva:**

- Služba za geodetske i imovinsko-pravne poslove Općine Živinice izvršiti će otpis predmetne parcele iz navedenog posjedovnog lista i sa imenovanog posjednika, a zatim istu upisati u novi posjedovni list iste katastarske općine na ime posjednika Čaušević (Himzo) Izet iz Bašigovaca sa dijelom 1/1.

- Zemljišnoknjižni ured Općinskog suda u Živnicama će izvršiti otpis predmetne parcele iz navedenog zemljišnoknjižnog uložka i sa imenovanog vlasnika, a zatim istu upisati u novi

zemljišnoknjižni uložak iste katastarske općine na ime vlasnika Čaušević (Himzo) Izet iz Bašigovaca sa dijelom 1/1.

V - Troškovi postupka se određuju u iznosu od 100,00 KM (stotinu konvertibilnih maraka) i iste je dužan uplatiti Čaušević (Himzo) Izet iz Bašigovaca, općina Živinice u roku od 15 dana od dana pravosnažnosti ovog rješenja na račun broj: 1404030310000145, otvoren kod "Sberbanka" filijala Živinice, svrha doznake: troškovi postupka, primalac: Budžet općine Živinice, vrsta prihoda: 722611, općina: 106. i dokaz o uplati dostaviti u spis predmeta u istom roku.

### O b r a z l o ž e n j e

Dana 27.04.2017. godine Općinskom vijeću Živinice putem Službe za urbanističko planiranje, komunalne, geodetske i imovinsko-pravne poslove Općine Živinice obratio se Čaušević (Himzo) Izet iz Bašigovaca sa zahtjevom za utvrđivanje vlasništva na zemljištu na kojem je sagrađena zgrada bez prava korištenja br. 06/1-31-1687/17.

Podnosilac je uz zahtjev priložio: dokaz o uplati administrativne takse i potvrdu o predaji podneska.

U toku postupka Služba za urbanističko planiranje, komunalne, geodetske i imovinsko-pravne poslove Općine Živinice pribavila je: Izvod iz posjedovnog lista br. 06/2-30-2441/17-3 od 22.05.2017. godine, p.l.br. 877. K.O. Bašigovci, Kopiju katastarskog plana br. 06/2-30-2441/2017-4 od 22.0.2017. godine i Zemljišnoknjižni izvadak br. 033-0-NAR-17-001 091 od 05.06.2017. godine, zk.ul.br. 814. K.O. Bašigovci.

Dana 16.06.2017. godine uz prisustvo voditelja postupka, zapisničara, vještaka geometra te podnositelja zahtjeva i svjedoka obavljen je uviđaj i održana usmena rasprava na licu mjesta, na koju se nije odazvalo Općinsko pravobranilaštvo Živinice.

Vještak geometar je uviđajem na licu mjesta utvrdio da je predmet ovog upravnog postupka dio parcele po novom premjeru označene kao k.č.br. 295/2 - dio zvana "Bašigovački lug" po kulturi šuma 3. klase upisana u posjedovni list br. 877. K.O. Bašigovci na ime posjednika Općina Živinice sa dijelom 1/1. Identifikacijom parcela starog i novog premjera utvrđeno je da parceli k.č.br. 295/2 odgovara po starom premjeru parcela označena kao k.č.br. 72/1 K.O. Bašigovci. Uvidom u zk.ul.br. 814. K.O. Bašigovci utvrđeno je da je parcela k.č.br. 75/1, oznaka nekretnine "Bašigovački lug" upisana u "B" vlasničkom listu na Općinu Živinice sa dijelom 1/1.

Podnosilac zahtjeva Izet Čaušević na usmenoj raspravi od 16.06.2017. godine je izjavio da ostaje kod podnesenog zahtjeva, da je predmetni dio parcele kupio 1997-1998. godine od Butković Mujke, da je nakon toga vlastitim finansijskim sredstvima parcelu uredio jer se radilo o mačvarnom zemljištu, a nakon toga izgradio porodičnu kuću. Predložio je da se na navedene okolnosti kao svjedoci na saslušaju: Čaušević (Abdulah) Midheta i Tursunović (Mujo) Sejfudina, obje iz Bašigovaca.

Svjedok Čaušević (Abdulah) Midheta iz Bašigovaca je izjavila da joj je poznato da je porodičnu kuću na predmetnoj parceli izgradio Čaušević Izet iz Bašigovaca.

Svjedok Tursunović (Mujo) Sejfudina iz Bašigovaca je izjavila da je kuću na predmetnoj parceli izgradio Čaušević Izet iz Bašigovaca i da je to njoj poznato jer je njegova komšinica.

U toku postupka Služba za urbanističko planiranje, komunalne, geodetske i imovinsko-pravne poslove kao obrađivač ovog predmeta je od Odsjeka za prostorno planiranje i komunalne poslove općine Živinice, pribavila Rješenje o načelnoj urbanističkoj saglasnosti br. 05/6-23-Službeno od 26.12.2017. godine, pravosnažno sa 11.01.2018. godine čiji je sastavni dio i Situacioni plan, br. 05/6-23-Službeno od 26.12.2017. godine sa grafičkim prikazom parcele i

građevinskog objekta.

U skladu sa navedenim rješenjem i situacionim planom, na geodetskim planovima i katastarskom operatu, odnosno zemljišnoj knjizi izvršeno je formiranje parcele u ukupnoj površini od 450 m<sup>2</sup>, koja je pri tome dobila nove topografske oznake bliže navedene u dispozitivu, nakon čega je za formiranu parcelu pribavljena Kopija katastarskog plana br. 06/2-30-2283/2018-4 od 19.04.2018. godine, Zemljišnoknjižni izvadak br. 033-0-NAR-18-000 877 od 23.04.2018. godine i Izvod iz posjedovnog lista br. 06/2-30-2283/18-3 od 19.04.2018. godine.

Od stalnog sudskog vještaka arhitektonske struke Fahrudina Delića iz Tuzle, pribavljena je procjena tržišne vrijednosti predmetne parcele br. 90-F-2018-505 od 03.06.2018. godine i dopuna nalaza br. 90A-F-2018-505 od 14.11.2018. godine.

Nakon provedenog dokaznog postupka utvrđeno je sljedeće činjenično stanje:

Predmet upravnog postupka je utvrđivanje prava vlasništava na zemljištu bliže označenom u tački I dispozitiva rješenja i ovu činjenicu Služba je utvrdila uviđajem na licu mjesta i identifikacijom parcele od strane vještaka geometra, formiranjem parcele po Zaključku br. 06/1-31-1687/17 od 17.01.2018. godine, a u skladu sa Rješenjem o načelnoj urbanističkoj saglasnosti br. 05/6-23-Službeno od 26.12.2017. godine Odsjeka za prostorno planiranje i komunalne poslove Općine Živinice, a zatim i uvidom u Kopiju katastarskog plana br. 06/2-30-2283/2018-4 od 19.04.2018. godine, Zemljišnoknjižni izvadak br. 033-0-NAR-18-000 877 od 23.04.2018. godine i Izvod iz posjedovnog lista br. 06/2-30-2283/18-3 od 19.04.2018. godine.

Takođe, na isti način utvrđena je činjenica da se predmetni objekat i zemljište nalazi u naselju Ciljuge II, koje je Odlukom o građevinskom zemljištu br. 010-05-3037/2004 od 17.05.2004. godine i Odlukom o izmjeni dijela Odluke o građevinskom zemljištu br. 10-05-2512 od 30.03.2009. godine određeno kao zemljište koje spada u VI zonu građevinskog zemljišta Općine Živinice.

Utvrđeno je da se za navedeni objekat može izdati naknadno odobrenje za građenje i ta činjenica je utvrđena uvidom u Rješenje o načelnoj urbanističkoj saglasnosti br. 05/6-23-službeno od 26.12.2017. godine.

Izjava Čaušević Izeta prihvaćena je kao istinita jer je saglasna sa izjavama saslušanih svjedoka i cijeneći ostale isprave koje se nalaze u spisu predmeta.

Vještak arhitektonske struke izvršio je procjenu tržišne vrijednosti predmetnog građevinskog zemljišta i utvrdio da ona iznosi 13,10 KM za 1 m<sup>2</sup> što za površinu od 450 m<sup>2</sup> ukupno iznosi 5.895,00 KM.

Naknada na ime rente određena je u skladu sa Odlukom o visini rente za 2018. godinu br. 10-05-1573/2018 od 27.02.2018. godine Općinskog vijeća Živinice i iznosi ukupno 1.129,85 KM. Prema navedenoj odluci prosječna cijena korisne stambene površine na području općine Živinice u 2016. godini iznosi 530,00 KM, što je osnovica za izračunavanje visine rente u utvrđenim zonama građevinskog zemljišta. Kako se u konkretnom slučaju radi o parceli koja se nalazi u VI zoni građevinskog zemljišta određen je iznos rente od 1% od prosječne konačne građevinske cijene što je 5,30 KM za 1 metar korisne stambene površine.

Naknada na ime pretvorbe zemljišta iz šumskog u neplodno-građevinsko određena je na osnovu Odluke o davanju saglasnosti za izdvajanje šumskog zemljišta iz šumsko-privrednog područja "Sprečko" na području Tuzlanskog kantona, općina Živinice, radi prevođenja istog u građevinsko, a što se odnosi na provođenje važećeg Relulacionog plana "Ciljuge II", Vlade Federacije BiH ("Službene novine Federacije BiH", br. 19/08"), Sporazuma o naknadi za izdvajanje šumskog zemljišta iz šumsko-gospodarskog područja i njegova pretvorba u

građevinsko zemljište br. 01/2-05-89-173/07 od 13.11.2007. godine, zaključenim između Općine Živinice, Ministarstva za poljoprivredu, šumarstvo, i vodoprivredu TK i JP "Šume TK" d.d. Kladanj i Instrukcijom Ministarstva za poljoprivredu, šumarstvo i vodoprivredu TK br. 04/1-14-4463/12 od 18.04.2012. godine.

Pravobranilaštvu Općine Živinice u toku postupka je dostavljena kompletna dokumentacija iz spisa predmeta kako bi eventualno mogli poduzeti radnje u cilju zaštite imovine Općine Živinice.

Na osnovu svih provedenih dokaza i to savjesnom i brižljivom ocjenom svakog dokaza posebno i svih dokaza zajedno u smislu odredbe člana 9. Zakona o upravnom postupku Federacije BiH („Službene novine Federacije BiH“, br. 2/98 i 48/99) Služba za urbanističko planiranje, komunalne, geodetske i imovinsko-pravne poslove kao obrađivač predmeta u ovoj upravnoj stvari zaključila je da je Čaušević (Himzo) Izet iz Bašigovaca izgradio stambeni objekat na predmetnoj parceli svojim finansijskim sredstvima, te da su u skladu sa utvrđenim činjeničnim stanjem ispunjeni uslovi propisani odredbama člana 61. Zakona o građevinskom zemljištu Federacije BiH ("Službene novine Federacije BiH" br. 67/05) koji određuje da na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se može izdati naknadno odobrenje za građenje po odredbama Zakona o prostornom uređenju, općinsko vijeće će utvrditi pravo vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno građevinsko zemljište na korišćenje i za uređenje građevinskog zemljišta.

Troškovi postupka određeni su na osnovu tačke VII. stav 8. Odluke o općinskim administrativnim taksama ("Službeni glasnik Općine Živinice", br. 9/13).

#### **Pouka o pravnom lijeku:**

Ovaj rješenje je konačno u upravnom postupku i protiv njega se ne može izjaviti žalba ali se može pokrenuti upravni spor podnošenjem tužbe Kantonalnom sudu Tuzla u roku od 30 dana od dana prijema rješenja. Tužba se podnosi neposredno sudu.

Dostaviti:

1. Izet (Himzo) Čaušević, Bašigovci – Bašigovci bb, 3x,
2. Općinsko pravobranilaštvo Živinice,
3. Službeni glasnik Općine Živinice,
4. Služba za urbanističko planiranje, komunalne, geodetske i imovinsko-pravne poslove Općine Živinice,
5. Porezna ispostava Živinice, (nakon pravosnažnosti),
6. Služba za budžet i finansije Općine Živinice, (nakon pravosnažnosti),
7. Zemljišnoknjižni ured Općinskog suda u Živinicama, (nakon pravosnažnosti),
8. U predmet.

Predsjedavajući Općinskog vijeća

Nail Jusić,s.r.

Bosna i Hercegovina  
Federacija Bosne i Hercegovine  
Tuzlanski kanton  
Općina Živinice  
Općinsko vijeće Živinice  
Broj : 06-05- 1800-1 /2019  
Dana :04.04.2019.godine

Na osnovu člana 24. Statuta Općine Živinice-prečišćeni tekst ("Službeni glasnik Općine Živinice" broj 4/18), člana 103. Poslovnika o radu Općinskog vijeća Živinice ("Službeni glasnik Općine Živinice", broj 3/17), Općinsko vijeće Živinice na 23. Redovnoj sjednici održanoj dana 26.03.2019. godine, razmatrajući Dnevni red po pozivu broj:06-05-1800/2019, od 18.03.2019.godine,donosi

### Z A K L J U Č K E

1. Obavezuje se Općinski načelnik, Predsjedavajući Općinskog vijeća, vijećnici Fehim Šljivić i Esad Kitić da ugovore sastanak sa direktorom JP "Aerodrom" radi zatvaranja preduzeća koje upravlja otpadom "Reciklon", odnosno raskida ugovora.
2. Sva Vijećnička pitanja i Inicijative upućivati Općinskom načelniku i u isto vrijeme i TV Živinice .
3. Da se što prije raspiše javni poziv za izvođače radova za sve projekte koji su po osnovu koncesija planirani u 2018.godini, a nisu realizirani, te da se za narednu sjednicu pripremi Odluka za sredstva koja su preostala po osnovu koncesija iz 2018.godine.
4. Zadužuje se Služba za prostorno planiranje, komunalne, geodetske i imovinsko pravne poslove da u roku od dva mjeseca pripremi i ponudi Općinskom vijeću na razmatranje prijedlog Odluke o regulisanju saobraćaja u užem dijelu grada i prijedlog Odluke o mjerama za očuvanje kvaliteta zraka na području Općine Živinice.
5. Da se obavezno iz sredstava predviđenih Budžetom Općine jedanput godišnje vrši hemijska analiza vode, a mjesečno bakteriološka analiza vode za sve registrovane vodovode .
  - Nadzor i odgovornost nad provođenjem ovog zaključka daje se Sanitarnoj inspekciji Općine Živinice
  - Za narednu sjednicu Općinskog vijeća dostaviti Informaciju o vodovodima koji imaju urađene zone sanitarne zaštite, kao i za registrovane vodovode za koje nisu urađene da bi se pokrenule radnje za donošenje istih-zaključak uputiti prema Općinskom načelniku.
6. Zadužuju se Savjeti MZ da u svojim Programima rada obavezno predvide obilježavanje praznika Dan nezavisnosti i Dan državnosti Bosne i Hercegovine kojom prilikom treba upriličiti svečane sjednice, unošenje državnih obilježja u prostorije i sl.

PREDSJEDAVAJUĆI  
Općinskog vijeća Živinice

Nail Jusić,s.r.



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
-Općinski štab civilne zaštite-  
Broj: 05-44- 1483-3/19  
Datum: 08.03.2019.godine

Na osnovu člana 106. i 108.Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj:39/03;22/06 i 43/10, u daljem tekstu Zakon o zaštiti i spašavanju), člana 29.stav 1. tačka 1. i člana 60.stav 3.Pravilnika o načinu rada i funkcionisanju štabova i povjerenika civilne zaštite ("Službene novine Federacije BiH", broj:77/06 i 5/07, u daljem tekstu Pravilnik) i člana 18.stav 1.Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Živinice ( Odluka broj:10-05-9409/09 od 24.12.2009.godine), Općinski štab civilne zaštite donosi:

## O D L U K U

O utvrđivanju visine i uslova za naknadu članovima štabova civilne zaštite

### I

Ovom Odlukom se utvrđuje visina i uslovi za naknadu članovima štabova civilne zaštite za rad u štabu koji su formirani u skladu sa Zakonom o zaštiti i spašavanju u općini Živinice.

### II

Za članove Općinskog štaba civilne zaštite utvrđuje se visina naknade za rad u štabu za tri faze:

1. Faza pripreme ( preventiva): za rad na provođenju vlastitih priprema za vršenje operativne funkcije iz nadležnosti štaba (priprema,obuka,vježbe, osposobljavanje i prisustvo sjednicama štaba i dr.) utvrđuje se naknada u visini 15% od prosječne neto plaće ostvarene u F BiH u prethodnom mjesecu, prema saopštenju Federalnog zavoda za statistiku;
2. Faza spašavanja: za rukovođenje akcijama zaštite i spašavanja (operativna funkcija) utvrđuje se naknada u visini od 30% od prosječne neto plaće ostvarene u F BiH u prethodnom mjesecu,prema saopštenju Federalnog zavoda za statistiku; i
3. Faza saniranja posljedica: ako je u Odluci o prestanku stanja prirodne nesreće utvrđena potreba nastavka rada štaba utvrđuje se naknada u visini 15 % od prosječne neto plaće ostvarene u F BiH u prethodnom mjesecu, prema saopštenju Federalnog zavoda za statistiku.

### III

Za članove štaba civilne zaštite mjesnih zajednica utvrđuje se visina naknade za rad u štabu za tri faze:

4. Faza pripreme ( preventiva): za učešće u pripremama za vršenje operativne funkcije iz nadležnosti štabau cilju vršenja operativne funkcije (priprema,obuka i osposobljavanje) koje

organizuje i provodi Služba civilne zaštite, utvrđuje se naknada u visini 10% od prosječne neto plaće ostvarene u F BiH u prethodnom mjesecu, prema saopštenju Federalnog zavoda za statistiku;

5. Faza spašavanja: za vršenje funkcije rukovođenje akcijama zaštite i spašavanja (operativna funkcija) od momenta aktiviranja od strane Općinskog štaba civilne zaštite, utvrđuje se naknada u visini od 20% od prosječne neto plaće ostvarene u F BiH u prethodnom mjesecu, prema saopštenju Federalnog zavoda za statistiku; i

6. Faza saniranja posljedica: ako Općinski štab civilne zaštite utvrdi potrebu nastavka rada štaba civilne zaštite mjesne zajednice, utvrđuje se naknada u visini 10 % od prosječne neto plaće ostvarene u F BiH u prethodnom mjesecu, prema saopštenju Federalnog zavoda za statistiku.

#### IV

Uslovi za ostvarivanje naknade iz tačke II ove Odluke za članove Općinskog štaba civilne zaštite su:

- a) da su postavljeni u Općinski štab civilne zaštite u skladu sa zakonom od nadležnog tijela;
- b) da učestvuju u radu Općinskog štaba civilne zaštite na provođenju vlastitih priprema za uspješno vršenje operativne funkcije iz svoje nadležnosti (pripreme, obuka, vježbe, osposobljavanje i prisustvo na sjednicama štaba i dr.);
- c) da učestvuju u radu Općinskog štaba civilne zaštite u vršenju operativne funkcije rukovođenja akcijama zaštite i spašavanja na području koje je pogođeno, odnosno zahvaćeno prirodnim ili drugom nesrećom u slijedećim situacijama:

C.1.) kada zaprijeti neposredna opasnost za nastanak određene prirodne ili druge nesreće;

c.2.) kada nadležni organ vlasti proglasi stanje prirodne ili druge nesreće;

c.3.) za vrijeme vježbi civilne zaštite kojima štab civilne zaštite rukovodi i u vrijeme ratnog stanja; i

c.4.) da učestvuje u radu Općinskog štaba civilne zaštite u fazi saniranja posljedica kada je u Odluci o prestanku stanja prirodne ili druge nesreće utvrđena potreba nastavka rada štaba.

#### V

Uslovi za ostvarivanje naknade iz tačke III ove Odluke za članove štaba civilne zaštite mjesne zajednice su:

- a) da su postavljeni u štabove civilne zaštite mjesne zajednice u skladu sa zakonom od nadležnih tijela;
- b) Da učestvuju na sjednicama štaba civilne zaštite mjesne zajednice na provođenju priprema za vršenje operativne funkcije koje planira, priprema i organizuje Služba civilne zaštite Općine;
- c) Da učestvuju u radu štaba civilne zaštite u vršenju operativne funkcije od momenta aktiviranja i početka vršenja funkcije rukovođenja akcijama zaštite i spašavanja, do momenta

kada Općinski štab civilne zaštite naredi prestanak rada štaba civilne zaštite mjesne zajednice;

d) Da učestvuju u radu štaba civilne zaštite mjesne zajednice u fazi saniranja posljedica kada Općinski štab civilne zaštite utvrdi potrebu nastavka rada štaba civilne zaštite mjesne zajednice.

#### VI

Naknada za rad članova Općinskog štaba i štaba civilne zaštite mjesne zajednice utvrđuje se rješenjem koje donosi Služba civilne zaštite u skladu sa ovom Odlukom.

#### VII

Članovima Općinskog štaba i štaba civilne zaštite mjesne zajednice pravo na naknadu iz člana I stav 1.tačka 1.2.3. neće biti priznato ukoliko ne budu učestvovali u radu štaba, na način kako je to definisano u članu II tačka 1.2.3. ove Odluke, ili ukoliko ne budu prisustvovali sjednicama štaba, a da, prije toga, nisu naveli,ili najavili razloge svoje odsutnosti, a što će se dokazivati uvidom u Zapisnik o prisustvu, ili odsustvovanju sa sjednica štaba.

#### VIII

Rješenje o utvrđivanju visine i isplati naknade članovima Općinskog štaba i štaba civilne zaštite mjesne zajednice, u skladu sa članom 61.stav 1.tačka 3. a u vezi sa članom 3.Pravilnika, donosi rukovodilac organa Civilne zaštite na osnovu kojeg Općinski načelnik donosi pojedinačne Odluke o isplati na prijedlog Službe civilne zaštite.U prilogu Rješenja o utvrđivanju visine i isplati naknade članovima Općinskog štaba i štaba civilne zaštite mjesne zajednice, dostavljat će se izvod iz Zapisnika o prisustvu,odnosno, odsustvovanju članova štaba sa održanih sjednica.

#### IX

Odluka stupa na snagu danom donošenja, a primjenjivat će se od 01.01. 2019.godine.

#### X

Stupanjem na snagu ove Odluke prestaje da važi Odluka broj:09-44-6079/14 od 20.10.2014.godine

#### XI

Odluka će biti objavljena u Službenom glasniku općine Živinice.

#### DOSTAVLJENO:

1. Službi civilne zaštite;
2. Općinski načelnik;
3. Službi za lokalni ekonomski razvoj, finansije i trezor;
4. a/a.

KOMANDANT OpŠCZ-e

dr.sci Samir Kamenjaković s.r.

Bosna i Hercegovina  
Federacija Bosne i Hercegovine  
Tuzlanski kanton  
Općina Živinice  
Općinsko vijeće Živinice  
Broj: 06-05-6435-1-2/2019  
Dana: 10.04.2019.godine

Na osnovu člana 13 Zakona o principima lokalne samouprave u F BiH (Službene novine F BiH"broj 49/06) ,24. Statuta Općine Živinice-prečišćeni tekst ("Službeni glasnik Općine Živinice"br.4/18) i člana 2.Odluke o izmjeni i dopuni Odluke o izvršenju Budžeta Općine Živinice za 2019.godinu,predsjedavajući Općinskog vijeća Živinice,donosi

#### ODLUKU

o potpisivanju računa troškova konzumacije jela i pića nastalih u ugostiteljskim objektima van zgrade Općine za potrebe prezentacije Općinskog vijeća Živinice

##### Član 1.

Osoba ovlaštena za potpisivanje računa troškova konzumacije jela i pića nastalih u ugostiteljskim objektima van zgrade općine za potrebe prezentacije Općinskog vijeća Živinice je Predsjedavajući Općinskog vijeća Živinice.

##### Član 2.

Mandat potpisnika računa prezentacije iz člana 1 je do isteka mandata funkcije koju obnaša.Isti je ovlašten da može potpisati račune troškova konzumacije jela i pića nastalih u ugostiteljskim objektima van zgrade općine za potrebe prezentacije Općinskog vijeća Živinice prilikom posjeta predstavnika državnih institucija,javnih organizacija i udruženja i sl.

##### Član 3.

Odluka stupa na snagu osmog dana od dana objavljivanja u Službenom glasniku Općine Živinice.

**PREDSJEDAVALAČI**  
Općinskog vijeća

Nail Jusić,s.r.

**„Službeni glasnik Općine Živinice“  
broj: 8/2019**

**SADRŽAJ**

**I - AKTI OPĆINSKOG VIJEĆA**

|  |   |
|--|---|
| 1. Odluka o razrješenju predsjednika i člana privremene Skupštine JP "Horizontala" Živinice.....   | 2 |
| 2. Odluka o imenovanju predsjednika i člana privremene Skupštine JP "Horizontala" Živinice.....  | 3 |
| 3. Rješenje o utvrđivanju prava vlasništva na zemljištu na kojem je izgrađena zgrada bez prava korištenja na zemljištu - Čaušević Izeta iz Bašigovaca..... | 4 |
| 4. Zaključci sa 23. redovne sjednice Općinskog vijeća Živinice održane dana 26.03.2019. godine.....  | 8 |

**II - AKTI OPĆINSKOG NAČELNIKA**

|   |   |
|---|---|
| 5. Odluka o utvrđivanju visine i uslova za naknadu članovima štabova civilne zaštite..... | 9 |
|---|---|

**II - AKTI PREDSDJEDAVAJUĆEG OPĆINSKOG VIJEĆA**

|   |    |
|---|----|
| 6. Odluka o potpisivanju računa troškova konzumacije jela i pića nastalih u ugostiteljskim objektima van zgrade Općine za potrebe prezentacije Općinskog vijeća Živinice..... | 12 |
|---|----|

**„Službeni glasnik općine Živinice“ uređuje: Stručna služba općinskog vijeća Živinice  
Odgovorni urednik i lektori: Suad Avdagić, Nermina Mahmutbegović i Mersiha Zahirović  
Tehnička priprema i štampa: Služba za opću upravu i društvene djelatnosti  
Kontakt informacije: 035/743-392, ovijece@opcinaivinice.ba**